

起精進即有於大菩提懈怠即無顛倒所起  
五蘊即有無因所起之法即無色是無常是  
苦是壞滅法即有色是常是堅牢是相續是  
不壞滅是安住法即無受想行識是無常是  
苦是壞滅法即有受想行識是常是堅牢是  
相續是不壞滅是安住法即無無明緣行即

有不實無明行即無行緣識即有不實行識  
即無識緣名色即有不實識名色即無名色  
緣六處即有不實名色六處即無六處緣觸  
即有不實六處觸即無觸緣受即有不實觸  
受即無受緣愛即有不實受愛即無愛緣取  
即有不實愛取即無取緣有即有不實取有

即無有緣主即有不實生有即無生緣老死  
憂悲苦惱即有不實生老死憂悲苦惱即無  
布施得大富即有布施感貧窮即無持戒生  
天即有持戒墮惡趣即無多聞具大慧即有  
多聞成染慧即無禪觀不散亂即有禪觀散  
亂即無不深固作意生起煩惱即有深固作

意生起煩惱即無不起增上慢人趣證涅槃  
即有增上慢人得佛授記即無於一切處通  
達空即有於內執我即無以智勤行得解脫  
即有我慢相應出離者即無又若我人衆生  
壽者於不實五蘊中求其實法即無復次大  
秘密主動行不放逸深固作意菩薩於有於

俊

案

無如實了知世間一切智者許可如實知已  
雖行於有而不取著雖行於無亦不取著即  
能通達諸佛世尊所說實義

佛說如來不思議秘密大乘經卷十六俊六

佛說如來不思議秘密大乘經卷第十七

護藏朝散全誦光祿卿光梵大師賜紫沙門巨惟淨奉詔譯

護世品第十九之二

俊七

復次大秘密主如來於一切法中總略而說  
有四法印何等為四一者諸行無常為諸沙  
門婆羅門及長壽天執常語者破常想故二

者諸行是苦爲諸天人計樂想者破樂想故三者諸法無我爲彼執我諸外道等破其我想四者涅槃寂靜爲諸增上慢者起尋求行破彼增上慢故此言無常者即是畢竟無有常法增語此言苦者即是遠離願求增語此言無我者即是空相增語涅槃寂靜者即是

無相作證增語大秘密主此如是法若諸菩薩深固信解勤行修習即於善法而不減失速能圓滿菩提分法

尔時護世四大天王前白佛言世尊我等四王皆名護世當以何法而能護世佛告四天王言汝諸仁者當修正法行即能護世其

正法行者所謂十善何等爲十一者不殺二者於自富樂而生喜足無其分量三者他妻室不起染汚四者不破他衆五者不出惡言六者所言如實七者言無綺飾八者於他富樂無所希望九者止息瞋恚十者正見清淨諸仁者此十善法乃能護世復有八法而能

護世何等爲八一者如說能行二者於一切處尊重師長三者順行正道四者心意質直五者心常柔軟六者於一切衆生常起慈心七者不作諸罪八者集諸善根如是八法乃能護世復有六法而能護世何等爲六一者行慈身業於師尊所及善知識同梵行者乃

至一切衆生悉起尊重愛樂意念是爲第一身業和敬二者行慈語業於師尊所及善知識同梵行者乃至一切衆生悉起尊重愛樂意念是爲第二語業和敬三者行慈意業於師尊所及善知識同梵行者乃至一切衆生悉起尊重愛樂意念是爲第三意業和敬四

者依法所得一切利養少略乃至鉢中之食與彼知識同梵行者周普均平等同受用又復尊重愛樂意念是爲第四利養和敬五者於戒修法無斷無缺圓具無濁所應受者不生貪取智所稱讚離諸譏毀以如是等淨戒之法與善知識同梵行者共所修持又復尊

後七

二

重愛樂意念是為第五戒修和敬六者於諸  
正見出離法中及勝決擇分隨何等法修其  
正行即當如應與善知識同梵行者共所修  
作又復尊重愛樂意念是為第六同見和敬  
諸仁者此六和法乃能護世復有四法而能  
護世何等為四一者不貪以不貪故不墮惡

趣二者不瞋以不瞋故不墮惡趣三者不癡  
以不癡故不墮惡趣四者不怖以不怖故不  
墮惡趣諸仁者如是四法乃能護世復有二  
法而能護世何等為二一者有慚二者有愧  
具足二法即能護世復有一法而能護世何  
等為一謂真實行以真實故即能護世又復

善語又無諂曲此等一法皆能護世諸仁者  
如是等法汝等勤行即能護世自能護己復  
令他人亦能護世  
去來品第二十  
尔時世尊即作是念我今宜應為此眾會宣  
說秘密大明章句令其眾會善根相應大菩

提法久住世間作是念已即告金剛手菩薩  
大秘密主言我昔曾於阿波邏羅龍王宮中  
及大菩提場初成道時以利益心攝受世間  
我時宣說大明章句汝能記念耶金剛手菩  
薩白佛言世尊我能記念  
佛言秘密主汝今說彼大明章句

後七

三

是時金剛手菩薩大秘密主從座而起前詣  
佛所胡跪合掌頂禮佛足即說秘密大明章  
句曰  
恒乾陀唎賀虎羅唎虎羅嚩帝唎虎賀囉掌  
唎薩吳唎拏唎左左左左左左六你布拏唎  
怛利多唎刹野刹夜唎多唎刹野薩摩唎設  
末你葛囉唎賀盧唎賀盧嚩帝唎尸羅嚩帝

叶緊阿唎尾設野帝叶你薩囉尼唎惹惹叶  
惹惹末帝叶阿嚩吒唎你嚩吒唎嚩栗多唎  
奴娑唎哩尼唎部唎多唎奴塞蜜哩唎帝叶  
呼唎你嚩多唎奴塞蜜哩唎帝叶呼唎那唎  
誡唎喃唎藥义唎赦唎嚩馱唎嚩馱唎馱  
呼唎囉誡唎赦唎莎悉底唎婆唎嚩都唎

薩哩嚩吞薩埵引喃剎尾計覽都引摩訶引  
鉢哩嚩吞多剎三咩佉旦引馱囉尼剎誒哩  
惹痞都引三母捺囉吞尾誒壹帝<sub>三</sub>

金剛手菩薩大秘密主說是秘密章句時一  
切魔宮皆悉振動大地傾搖大海騰涌一切  
衆會皆悉戰怖咸詣佛所頂禮求救是時世

尊復以一足按地大千世界皆悉動搖時諸  
衆會俱向佛所作是白言救我世尊救我善  
逝我等一切驚怖戰掉佛言勿怖勿怖此是  
諸佛大明章句威神境界能使大地振動大  
海騰涌日住虛空亦復動搖

尔時世尊即爲金剛手菩薩及諸衆會如其  
所應略說法要是時會中有八萬人發大菩  
提心有無量人住有學地

尔時金剛手菩薩大秘密主長子金剛軍持  
妙寶網覆於佛上前白佛言世尊菩薩云何  
能於阿耨多羅三藐三菩提得不退轉佛言  
善男子菩薩若能具修十法即於阿耨多羅

三藐三菩提得不退轉何等爲十一者常行  
無礙大慈二者常起無倦大悲三者精進辦  
諸事業四者善修空三摩地五者現前通達  
勝慧六者於一切處皆善通達七者能以妙  
智清淨三世八者以無礙方便觀實業報九  
者雖了知空而植衆德本十者如其所說自

<sub>後七</sub>

<sub>四</sub>

性清淨而善入聖道菩薩若具如是十法即  
於阿耨多羅三藐三菩提得不退轉金剛軍  
復白佛言世尊菩薩當修何法於佛不思議  
門聞已安然不生驚怖佛言善男子菩薩當  
修八法即能於佛不思議門聞已安然不生  
驚怖何等爲八一者增長勝慧二者增長妙

智三者常爲善友之所攝受四者具大信解  
五者善達如幻無生之法六者信解無常<sub>法</sub>  
七者心行平等猶如虛空八者於諸法中善  
知障礙所起之相菩薩若具如是八法即能  
於佛不思議門聞已安然不生驚怖金剛軍  
復白佛言菩薩當修何法即能於諸所作而



引帝葛哩廿虎呼劫阿梨材詰詰哩仁珂哩  
 干阿引尾設你干囉婆干囉婆你干惹曳干  
 惹野嚩帝干體哩干阿引嚩哩帝仁干尾嚩  
 哩帝干阿嚩哩多干你干梅引底哩引部引  
 多引喃引僧誡囉干呼干彌干捺摩三鉢你  
 干帝引蘭拏干多引囉曳干部引莎焰莎悉

帝干祢尾毗踰引干那引倪毗踰引藥翅  
 毗踰引獻馱哩尾干毗踰引藥义西毗  
 踰引摩奴除引摩奴試毗藥莎悉底仁  
 哩婆仁嚩都引薩捺引蘇欠干  
 說是大明時一切山王皆悉振動大地傾搖  
 大海騰涌所有一切邪異外法皆悉攝伏歸

正法語善護一切正法寶藏一切天衆互相  
 慶悅說伽陀曰

秘密大明宣說已 能令正法久住世  
 三千世界悉傾搖 求人中尊願救護  
 大師善說真實語 普為衆會施無畏  
 威神建立此法門 能令正法久住世

尔時世尊於金剛手菩薩宮中住經七日廣  
 為無量一切衆生作利益已乃至曠野大城  
 一切情品廣大周徧無不蒙益即離本宮還  
 處空中菩薩聲聞人天恭敬圍繞復有無數  
 百千夜叉羅刹阿修羅迦樓羅等前後導從  
 梵王帝釋護世天等布光明網奏妙音樂兩

衆異花時諸刹土皆悉振動以佛威德神通  
 勢力加持神變及威儀事譬如鵝王遊戲自  
 在漸次還詣鷲峰山中金剛手菩薩大秘密  
 主以佛威神而隨佛後

佛說如來不思議秘密大乘經卷第十七後

佛說如來不思議秘密大乘經卷第十八後

謹識翻經本義光祿卿梵大師鳩摩沙門目惟淨等奉詔譯

勇力菩薩先行品第二十一

尔時世尊與諸菩薩聲聞大衆遊止鷲峰山  
 中於日後分離本住處為諸大衆隨宜說法  
 時阿闍世王知佛世尊已復山中宮嬪眷屬

後八